

FESTIVAL DOLA BEACH

Raikitra ny fanatontosana ny andiany faha-11

Raikitra fa ho tontosaina hanomboka amin'ny 07 ka hatramin'ny 10 aprily 2023 ho avy izao any amin'ny torapasika'i Vatomandry ny hetsika « Festival Dola Beach » andiany faha-11 ka nambaran'ny filohan'ny fikambanana Dola Beach mpikarakara ny hetsika, Atoa Lay Mein Alexandre, fa ho 4 andro katroka tsy hiala eny amin'ny tora-pasika no hanatanterahana ny hetsika rehetra voafaritra hatao amin'ity « Festival » ity. Hiakar himbon'antoka amin'ny fikambanana Dola Beach amin'izany ny orinasa Telma mpanohana ofisialy, ny minisiteran'ny fihazantany Malagasy, ny GasyStar ary ny FMF. Amin'ny maha fiavian-tsasatra ny andro amin'ireo fotoana voatondro ireo, araka ny voalaza ten amin'ny valandresaka hoan'ny mpanao gazety natao teny amin'ny



Dola Beach Vatomandry.

ny Campus Telma Andraharo tamin'ny alakamisy 23 martsa 2023 lasa teo, dia natokana hoan'ny Besinimaro tsy an-kanavaka (na zaza, na tanora, na olon-dehibe) ity hetsika ity. Tahaka an'ireo andiany teo aloha rehetra dia ho hita ao amin'ity hetsika ity ireo fanentanana samihafa toy ny hetsika ara-javakanto izay ho fanain'ireo artista maro tarihan'i Wawa toy ny nahazatra sy handraisan'ny mpanakanto Dôdola sy

Uelle zanany vavy izay samy avy any ampitan-dranomasina, ireo mpanakanto Kaiamba tena izy, fifaninanana vakodrazana Betsimisarakara ary koa ireo mpanakanto avy ao an-toerana. Eo amin'ny sehatry ny fifaninanana ara-panatanjahanena kosa dia hisongadinan'ny « Tournoi National Telma Beach Soccer » natokana hoan'ny sokajy vehivavy, ny Beach Soccer lehilahy hifantenana an'ireo mpilalao

handrafitra ny Barea Beach Soccer hatrika ny lalaon'ny nosy 2023, ny Atletisme Beach ary ny Rugby Beach izay ho « demonstration » ihany aloha amin'ity andiany ity. Eo koa ny fisafidianana an'ireo ho « Miss et Mister Dola Beach 11^e edition » sy ireo « animation divers » toy ny fivarotana zava-pisotro sy tsakitsaky isan-karazany ary koa ny « bal populaire » hatao eny amin'ny torapasika hatrany. Marihana fa ny hetsika « Carnaval dancing et déguisé » manodidina ny tanàna'i Vatomandry no hanombohana ny hetsika amin'ny zoma 07 aprily 2023 hanomboka amin'ny 09 ora maraina ary ny « Soirée de clôture Beach party » ho tontosaina amin'ny alatsinain'ny Paska 10 aprily 2023 hanomboka amin'ny 09 ora alina no hamarana azy.

Rainilita

«Rhefi «Sabotsy Namehana»:

«Avaradrano ho an'i Jesosy Kristy» no tanjony...

Ny taona 2010 no niorina ny Fiangonana Rhefi Sabotsy Namehana, tarihan'ny Pasitera Rahajarivonona Joel. Ity farany, izay nandalina ny fianarana ny baiboly sy ny fomba fitantanana Fiangonana, nandritra, ny 07 taona. «Ny fahatsapana izay nipololotra mafy tao anatiko ny amin'ny hanafahana ireo olona eo ambany vahohon'ny Satana noho ny fahotana mangeja mafy azy ireo» no nanosika ahy namaly ny antson'ny Tompo hisehatra amin'ny asa fitoriana filazantsara, hoy ny Pasitera Rahajarivonona Joel. Anisan'ny tarigetran'ny fiangonana rahateo ny hoe : «Avaradrano atokana ho an'i Jesosy Kristy». Olona sahirana ara-pivelomana no niatombohan'ny Fiangonana Rhefi Sabotsy Namehana tany ampiandohana, noho ny fitahian'Andriamanitra izay azo avy amin'ny fa-



Ny Pasitera Rahajarivonona Joel, mpitarika ny «Rhefi Sabotsy Namehana».

nandratana vavaka ho amin'ny fanambinana sy fanafahana ary fanapahana ozona anefa dia azo ambara fa nandranto fahombiazana teo amin'ny seham-pihariana izy ireo koa afaka mitondra hatrany ny anjara birikiny ho amin'ny fanabeazamboho ny asan'ny Fiangonana. Tsy manavaka finoana ny fiangonana. Andalana ho amin'ny famitana tanteraka ny trano

fivavahana ankehitriny ny Rhefi Sabotsy Namehana. Mifototra amin'ireo voarakitra anatin'ny baiboly, araka izany, ny fampianarana zarain'ireo mpitarika eo anivon'ny Rhefi Sabotsy namehana. Nomarihan'i Pasitera Rahajarivonona Joel fa nanova fiainan'olona maro ho amin'ny fanambinana, fanafahana, fanapahana ozona ary ny fanasitranana ireo aretina miseho amin'ny endriky maro toy ny (rodia, diabeta, fahamombana, fahalemena ara-batana, sns) ny herin'ny finoana nombambavaka tsy ankiato atao eo anivon'ny Fiangonana. Miaina sy mino ny herin'ny Fanahy masina isanandro vaky ireo mpino eo anivon'ny Fiangonana Rhefi Sabotsy Namehana. Mitsangana eo anivon'ity fiangonana ity rahateo ireo sampana toy ny fikambanan'ireo vehivavy, lehilahy, sekoly ala-

hady (Ankizy). Izy ireo izay samy mifanome tanana mavitrika tokoa ho amin'ny fanitarana ny asan'Andriamanitra. Ny zotom-pon'ireo olona arahany hetaheta lalina hahazo famonjena avy amin'i Jesosy Kristy, araka izany, no manosika ireo mpino tonga miaramivavaka eo anivon'ny Rhefi Sabotsy Namehana, isaky ny Alahady tontolo andro sy ny Alarobia tolakandro. Tsy fitadiavam-bola ny antom-pisian'ny Rhefi Sabotsy Namehana, hoy ny Pasitera Joel fa ho famonjena ny fanahin'ny Malagasy mba samy ho mendrika handova ny Lanitra isika miakavay. Tsy ho tanteraka anefa izany raha tsy manam-pinoana isika ary mivavaka tsy mihambamba sy tsy ho menatra hijoro mandrakariva amin'ny finoana sy fanompoana an'Andriamanitra.

Lalaso Razafindrakoto

Ekipa rugby Makis Malagasy

Notoloran'ny ambasadaoron'i Angletera fampitaovana

Notoloran'ny ambasadaoron'i Angletera miasa sy monina eto Madagasikara, Atoa David Ashley, fampitaovana ten amin'ny kianja Makis Andohatapenaka tamin'ny alakamisy 23 martsa 2023 lasa teo, ireo mpilalao rugby Malagasy mpikambana ao amin'ny Makis à XV vehivavy sy ny Makis à 7 U 16 sy U 18 lehilahy. Nitarika ny delegasiôna Malagasy nandray an'izany fampitaovana izany ny filohan'ny Malagasy Rugby Rakotomalala Marcel notronin'ireo mpiara-miasa aminy niaraka tamin'ireo mpikambana ao amin'ireo mpilalaon'ny Makis lahy sy vavy. Marihana tamin'ny alakamisy 23 martsa 2023 teo no fa nainga teny Ivato ny delegasiôna Malagasy nisy an'ireo mpilalaon'ny Makis à 7 U 16 sy U 18 lehilahy hamonjy ny fifaninanana AROI izay atao ao amin'ny Nosy La Réunion omaly 24 sy anio 25 martsa 2023. Marihana fa ny ekipan'ny rugby «Terres en Mèlées» U 18 vehivavy ihany koa dia anisan'ny hatrika an'ity fifaninanana AROI 2023 ho tontosaina atsy La Réunion ity.

Rainilita



Fanolorana fampitaovana ny Makis teny Andohatapenaka.

Faritra Alaotra Mangoro

Nandray ny « Commission Minibasket de la FMBB »

Nandray an'ireo mpikambana ao amin'ny « Commission Minibasket de la FMBB » nandalo tany an-toerana ny Ligim-paritry ny basikety any Alaotra Mangoro izay nizara ny fampianarana momba ny « Minibasket » tamin'ny talata 21 martsa sy alarobia 22 martsa 2023 lasa teo. Ho fanombohana ny fandaharan'asan'ny « Commission Minibasket » eto anivon'ny Fedrasiôna Malagasin » ny Basikety baolina (FMBB) no anton'ny fizarana fampianarana ity. Navondrona tao avokoa ireo rehetra manana sekoly fampiofanana basketball (école de basket) ao Ambatondrazaka toy ny Tanora 503, ny RATAM, ny JAP MADA. Nizara roa ny fandaharan'asa tamin'izany, ka ny andro voalohany dia natokana ho an'ny "formation théorique" : nanazavana ny "philosophie du Minibasket", " la préparation d'une séance d'entraînement en Minibasket", ary nofaranana tamin'ny fifanakalozan-kevitra. Ny andro faharoa kosa dia nanaovana ny "séance pratique" teny ankianja. Nifanambona tamin'ny fampiantrano sy fampitaovana ary fanotronana an'ity hetsika ity ny DRJS, ny Ligy Alaotra Mangoro ary ny Section basket Ambatondrazaka. Namaranana ny fotoana moa dia nisy ny fanolorana baolina basikety ho an'ireo "école de basket" any an-toerana.

Rainilita



Mini-basket tany Alaotra Mangoro.

Championnat Jeune 2022- Section de Football Tanà Ville

Hifampitaona eny amin'ny Elgeco Plus indray ireo katitakely



«Football Jeune» teny amin'ny Elgeco Plus By-Pass.

Hifampitaona eny amin'ny kianja «Elgeco Plus Stadium By-Pass» indray ireo katitakely avy amin'ireo klioba samihafa eto Antananarivo renivohitra hatrika ny tohin'ny fifaninanana « Championnat Jeune 2022 » karakarin'ny seksiôn'ny baolina kitra Tanà Ville anio sabotsy 25 martsa 2023. Fandaharan-dalao feno : Terrain A 13:00-Eft # Ezama (6-7-8 taona), 13:30-Rmd # A fd (6-7-8 taona), 14:00-Fc Jim Miray # Lman Foot (6-7-8

taona), 14:30-Eft # Rmd (6-7-8 taona), 15:00-Afc # Lman Foot (6-7-8 taona), 15:30-Fc Kiki # 3Fa (11-12 taona), 16:00-Afc # Ezama (13-14 taona), Terrain B 13:00-Five Académie # Lman Foot (9-10 taona), 13:30-Eft # 3Fa (9-10 taona), 14:00- As Miangaly # 3Fa (9-10 taona), 14:30-Eft # Fc Kiki (11-12 taona), 15:00-Afc # 3Fa (11-12 taona), 15:30-Afc # Ny Antsika Foot (11-12 taona).

Rainilita